

# “DIE BLINKKLIPPIE”

WEEKLIKSE NUUSBRIEF VAN GEREFORMEERDE KERK POSTMASBURG

(Jaargang 19 - nr. 51.)



"Die Woord het mens geword en onder ons kom woon. Ons het sy heerlijkheid gesien, die heerlijkheid wat Hy as die enigste Seun van die Vader het, vol genade en waarheid."

Johannes 1:14

## 22 Desember 2019

HARTLIK WELKOM!

Dit is waarlik 'n voorreg om weer vanoggend as gemeente saam die Here te kan dien.

**EREDIENS VANOOGEND: Dr. Petrus Venter**

**Voorsang:**

Ps. 128 :1,4

**Ontmoetingsdiens:**

Votum en seën

Sing: Ps. 118:12

Belydenis van geloof

**Verootmoediging- en versoeningsdiens:**

Wet

Sing: Ps.119:14

**Gebed**

**Woorddiens:**

Sing: Ps. 118:11

Skriflesing: Lukas 2:1-7

Teks: Lukas 2:7b

**Preektema:**

Daar was vir Hom geen plek nie ...

**Antwoorddiens:**

Liefdesdiens kollekte: In die banke- DVB

By die deure- Bybelverspreiding

Sing: Ps. 138:1,3

**Wegstuurseën**

**Preekskets**

As iemand vir jou sê ek het nie nou vir jou tyd nie, of ek het nie vir jou plek nie, dan val dit maar ewe hard op die oor en gevoel. Plek en tyd is iets waarsonder geen mens kan klaarkom nie, en plek en tyd is iets wat vir mekaar gemaak moet word. Vir Jesus in die volheid van die tyd gebore, in 'n vol Bethlehem is dit só vol dat daar vir hulle geen plek was nie. Maar eintlik gaan dit om meer as hulle- dit gaan om Hom, die ongebore Een dáár, Jesus vir Wie daar nie plek was nie...

*Daar was vir hulle geen plek nie-* hierdie woorde as dit in mens se gedagtes begin rolmaal, dan bring dit eintlik by 'n mens groot verleentheid. Die besef sny en dring nog dieper tot mens deur as jy werklik besef Wie is waarlik die Een vir wie daar nie tyd of plek gemaak word nie. Dit is vir God Self. Jesus, Hy wat ware God is, Hy wat voor alle mense al daar was, van ewigheid af God, maar toe sy ware mens-wees in hierdie wêreld moes begin tel, toe is daar nie vir Hom plek nie.

## KOLLEKTES

**Vandag:** 22 Desember 2019

In die banke: **Diens van barmhartigheid**

By die deure: **Bybelverspreiding**

**Sondag:** 29 Desember 2019

- In die banke: **Diens van barmhartigheid**

By die deure: **Bediening vir PMG**

## WYK - DIENSBEURT

Vandag – 22 Desember 2019 – **Wyk 5**

- **Ouderling:** Br. Vakant
- **Diaken:** Br. Dawie Schoeman
- **Wyksusters:** Sr. Estea du Plessis

Volgende week – 29 Desember 2019 - **Wyk 6**

- **Ouderling:** Br. Lukas Potgieter
- **Diaken:** Br. Michiel Burger
- **Wyksusters:** Sr. Mientjie Burger
- 

## MEELEWING

- Ons dink in ons gebede aan sr. Marie Fourie wie se gesondheid onder sware druk verkeer. Sy is tans by die huis. Ons dink in besonder aan haar, br. Bertie, sr Koos en familie in sware tyd.
- Ons dink aan sr Annelie Williams wat haar rug vir haar met tye baie pyn veroorsaak. Ons vertrou dat die mate van beterskap bestendig mag wees.
- Ons wil in hierdie tyd van uitermate droogte en swaar toestande vir ons boere op die plase wat knellend op gesinne en families inwerk van ons voorbidding verseker. Mag die Here wat alleen die uitkoms kan gee ons genadig wees.

## VERJAARSDAE

Vrydag 27 Des Sr. Anna-Marie van der Vyver

Mag u 'n geseënde nuwe lewensjaar ingaan met die volle oortuiging dat ons tye is in die Here se hande.

## GROENWATER-NUUS

Ons bedieningshulp in Groenwater het in die laaste maande weer kon hervat. Daar bly uitdagings maar ons vertrou in dit wat reeds hanteer is en aangespreek kon word, daar wel daarop voortgebou kan word. Volgende erediens waar dr. Venter daarheen sal gaan, sal eers weer in 2020 wees.

## ALGEMENE KERKNUUS

### GKSA NUUSBROKKIES

Gaan laai gerus nuusbrokkies van ons webwerf af. Die jongste beroepenuus en vele meer is daarop beskikbaar soos weekliks aan ons deurgestuur. U kan dit van ons webwerf aflaai by: <http://bit.ly/2SxThy0>

BEROEPE ONTVANG: Proponent R Boersema (Reinhart) na GK Vryburg

BEROEPE AANVAAR: Proponent DH Verryn (Hendrik) na GK Potchefstroom-Suid

## ETIESE SAKE

Daar word 'n nuwe afdeling op ons webwerf bygevoeg met die bedoeling dat ons as gelowiges toegerus mag word om oor hierdie sake weer grondig na te dink en om onself daarvoor te verantwoord. Dit sluit in ou sake maar wat nuut oor gedink moet word. Onder andere ons beskouing oor ons huweliksewe en gesinslewe. Dit gaan ook oor saamwoon vóór die huwelik. U kan daarna gaan by <http://bit.ly/2Q0Ccw1>

## JAARKALENDERS EN ALMANAKKE

Die kalenders vir 2020 is daar 'n klompie in die voorportaal uitgesit. As u nou reeds graag een wil neem is u welkom. Dalk net die versoek dat u net u naam op die lys by die kalenders skrywe as u een neem dat ons net ter wille van kontrole kan bepaal wie dan reeds kalenders ontvang het. Wie almal Almanakke bestel het, kan met dr. Petrus praat as u graag nou reeds u Almanak vir 2020 wil afhaal. Dit kos R86 per boek.

## KATEGESE

Al die werk en ons roosters is op ons webwerf onder katkisasie gelaai. U kan dit aflaai by

<http://bit.ly/2KhypYe>

Laerskool-klasse vind Sondae na die ereadiens by die kerk plaas.

Die Voor-belydenisklas vind Sondae 'n kwartier na die ereadiens ook by die kerk plaas. Ons het vir die jaar daarmee afgesluit.

Ons Belydenisklas en ook volwasse kategese klasse vind Maandae-middae plaas. Reëlings met die groepe sal steeds deur WhatsApp via ons kerkgroep deurgegee word. Ook afgesluit vir die jaar.

## KERKKANTOOR

Ons is opsoek na ou koerante by die kerkkantoor.

Die Kerkkantoor is besig met die opstel van die 2020 kalender. Enige voorstelle en veranderings kan aan die kerkkantoor deurgegee word.

## DORKAS- SUSTERS

**Huis Jan Vorster-mandjie** – Toiletware vir ons inwoners in HJV kan in die groen mandjie voor in die portaal geplaas word. Hulle ondervind die laaste tyd veral 'n tekort aan **doeke, Prep en aqueous room**. Die inwoners het ook hulle hartlike dank uitgespreek vir dit wat alreeds geskenk is.

## BYBELSTUDIE

Bybelstudie Maandae 19h00 Aandgroep

Bybelstudie Dinsdae 10h00: Oggendgroep

Ons gaan DV volgende jaar voort met die reeks rondom die gebede uit God se Woord.

## DOPPER KOMBUIS

Kom kuier gesellig saam in ons tee-drink lokaal na die ereadiens.

## GEMEENTEKAMP

Merk die datum: 3 tot 5 April 2020

## OMGEWINGSPITKOS – Dr. Peet van der Walt

Onnodige oordadigheid kenmerk ons moderne lewensbestaan so dikwels. Ons morskos byvoorbeeld bedra 10 miljoen ton per jaar wat dan indirek bydra tot vermorsing van water, krag, diesel en bemesting. Die ontbinding daarvan verwek metaangas wat 'n erger kweekhuisgas as die groot vabond koalsuurgas is. Wat 'n stryd en beroering rondom ons heen, terwille van die daaglikse brood. Laat ons met minder as rykdom tevrede wees. Dan sal die weinige wat ons het, van groter betekenis word. Ons sal nie tot oordaad neig nie en bid om van verkwisting bewaar te word. Ook nie murmureer as ons stukkie brood kleiner as dié van andere is nie.

Gee ons vandag ons daaglikse brood (Matt. 6 : 11).

## KALENDER (JAARBEPANNING) IN ELEKTRONIESE FORMAAT

As u graag u dagboek in elektroniese formaat op u selfoon wil plaas kan u op ons webwerf die toepassing en beplanning aflaai wat dit deur *Microsoft Outlook* vir u moontlik maak. Die inligting is gestoor op die Tuisblad onder die lêertjie [pmg\\_calendar.ics](http://bit.ly/2D0uRqf)

## DANKOFFERS

U kan die Bybelse beginsels en dit wat 'n prinsipiële uiteensetting van die opdrag tot 'n dankbaarheidslewe en dit wat ons dankoffers moet wees, van ons webwerf aflaai. U kan dit aflaai by <http://bit.ly/2D0uRqf>

Laat ons asseblief met die nodige erns wat ons voor die Here hiermee moet werk dan wel hieraan aandag gee. Al is ons in bitter swaar tye met 'n droogte ongekend en ekonomiese werklikhede so negatief as kan kom moet ons dankbaarheid voor die Here altyd eerste staan.

## DIENS OP KERSDAG

Dr. Venter is DV vanaf Dinsdag tot Vrydag by familie waar sy skoonmoeder op Kersdag haar 90ste lewensjaar mag vier. Die Kerkraad het op laaste vergadering goedgekeur dat ons wel met die NG Kerk afsprek dat vanjaar se viering met Kersfees dan 'n gesamentlike erediens in hulle kerkgebou sal wees.

## HUISBESOEK DEUR DIE PREDIKANT

In Desember en Januarie 2020 wil die predikant graag op wyk 6 konsentreer met huisbesoeke. Hy sal u kontak om afspraak vas te maak. As enigiemand uit van die ander wyke wel behoefte het dat hy vroeër by u moet uitkom, moet asseblief nie aarsel om hom te kontak nie.

## DATUMS EN HUISBESOEKE DEUR DIE OUDERLINGE

### VERGADERINGS:

Volgende kerkraadsvergadering vind DV 19 Februarie 2020 plaas.

## KERKLIKE GEGEWENS

Gereformeerde Kerk Postmasburg  
Posbus 74 Postmasburg  
E-pos: [admin@gksa-postmasburg.co.za](mailto:admin@gksa-postmasburg.co.za)  
Tel: 053 313 3710  
Landlyn Pastorie: Tel: 053 313 0571  
Kerkkantoor ure: Maandae tot Vrydae 09h00 - 13h00

Predikant	Dr. Petrus Venter	084 704 2348	<a href="mailto:ds@gksa-postmasburg.co.za">ds@gksa-postmasburg.co.za</a>
Skriba	Oudl. Albertus Viljoen	082 808 4168	<a href="mailto:skriba@gksa-postmasburg.co.za">skriba@gksa-postmasburg.co.za</a>
Admin Beampte	Sr. Koos Fick	082 821 2736	<a href="mailto:admin@gksa-postmasburg.co.za">admin@gksa-postmasburg.co.za</a>
Voorsitter: Diakonie	Diak.Dawie Schoeman	082 782 2537	<a href="mailto:dawie@xmedia.co.za">dawie@xmedia.co.za</a>
Koster			
Orrelis			
Kassiere	Oudl. Lukas Potgieter	079 695 0555	<a href="mailto:lukaskathu@gmail.com">lukaskathu@gmail.com</a>

**Ons gemeente se webwerf en facebook-blad is soos volg:**

<http://www.gkpostmasburg.weebly.com>

<http://bit.ly/2Ydk7wK>

## STATISTIEKE VORIGE SONDAG

Erediens bywoning	<b>24</b>
Bydrae: Sustentasië (klassis)	<b>R</b>
Bydrae: Diens van Barmhartigheid	<b>R</b>

## GEREFORMEERDE KERK BANKBESONDERHEDE – ALLE REKENINGE BY ABSA

Rekening	Rekeningnommer
Alle bydraes (Dankoffers)	2130-3400-35
Diakonie	2130-28-0008
Dorkas-susters	407-382-6782
Kermisinbetalings	90-9779-4784
Steak-ete inbetalings	91-4771-8016

Berigte vir Blinkklippie moet asseblief teen **Woensdag 16h00** per e-pos gestuur word na [admin@gksa-postmasburg.co.za](mailto:admin@gksa-postmasburg.co.za)